

DE

GENERATIONE FEBRIUM,

RECTORE MAGNIFICENTISSIMO,
SERENISSIMO PRINCIPE AC DOMINO,
DOMINO CAROLO,
BORVSSIÆ PRINCIPE, MARCHIONE BRAN-
DENBURGICO, RELIQVA,

PRÆSIDE
FRIDERICO HOFFMANNO,
COLLEGII MEDICI h. t. DECANO,

PRO DOCTORIS GRADU

publice disputabit

ANDREAS KOCK,

Holmia Svecus.

ad diem Decembris M DCC XV.

H. L. Q. C.

HALÆ MAGDEBURGICÆ,
Typis CHRISTOPH. ANDRÆ ZEITLERI, Acad. Typ.

GENERAL FEBRUM.

RECTOR MAGNIFICENTISSIMO,

EXCELSISSE PRINCIPIS AC DOCTORIS

OMNINO CAROLI

DESSAE PRINCIPIS, MARCHIONIS BRAN-

COVICHII, & S. S. S. S.

PRÆSIDENTIS

ANDRICO HOFFMANNI,

COLLEGI MEDICI & LEGUM

PRO DOCTORIS G. A. D.

PRÆSIDENTIS

ANDRÆAS KÖR.

PRÆSIDENTIS

ANDRÆAS KÖR.

PRÆSIDENTIS

CHRISTOPH. KÖRBER, S. S. S. S.



DISSERTATIO SOLENNIS MEDICA
DE
GENERATIONE FEBRIUM.

§. I.



Diversæ indolis causas, variis morborum generibus invehendis idoneas, hæcenus in conspectum adduximus: egimus quoque de earum domicilio, ubi feralem suam vehementiam exerceant: nunc rei ordo quoque depolcere videtur, ut paulo pressius exponamus, quomodo & in quas corporis partes perniciales morborum causæ suam vim ac operationem exerant, varia symptomata producendo. Prius vero, quam hoc nostrum institutum exsequamur, opere & labore dignum videri, breviter strictimque explicare, quo modo morbi-
cæ causæ in genere in corpore nostro progenerentur. nostra vero hoc de negotio sic fert sententia: quemadmodum universi corporis & singularum ejus partium vigor, & actionum integritas, a libero & moderato flui-
orum per omnes meatus circuitu, & inde consequenti inutitium partium per varia emunctoria excretionem
A 2 pro-

proxime dependet: ita ex impedito vel quovis modo læso fluidorum circuitu & excretionis negotio fatiscen- te proximas morborum causas materiales deducimus. Quodcumque enim sanguis non æquabili & modera- to flumine per corporis vasa libere fertur, fiunt inde vel ejus stases aut stagnationes vel viscerum obstructio- nes, quæ foecundissimæ morborum sunt procreatrices, siquidem sanguinis in vasis stases inflammationes peri- culosas, febres, sphacelationes proferunt: stagnationes vero affectus maxime spasmodicos, nimia seri vel san- guinis profluvia, nec non affectus paralyticos soporo- sos pariunt: viscerum vero pertinaces obstructiones, quæ ab impedito sanguinis motu identidem fiunt, gra- vium maxime morborum chronicorum, ut scorbuti, hydropis, phthiseos, asthmatis, cachexiæ & id genus plurium plerumque sunt genitrices. Præter sangui- nem vero & humores circulo vitali destitutos, aliæ ad huc fiunt æque potentes morborum causæ quæ magis in agilitate ac tenuitate firmas suas agunt radices. Ha- vero ex excrementitiis sordibus, in corpore retentis & pejorem ex mora indolem nanciscentibus, incunabula sua trahunt, adeo, ut pro differente excrementi natu- ra, diversæ etiam in morbis producendis actiones re- sultent. Ex tenuissimo enim & putridæ indolis mia- smate, acutæ, contagiosæ & malignæ fiunt febres. A- si materia tenuis salino-causticæ est naturæ, molesta ir- ritatione vehementes spasmos, febres quoque & con- vulsiones, parit. Quæ crudioris vero & fixioris salinae sunt indolis retenta erosione, ut videmus in morbis chronicis & exulcerationibus, magis lædunt & nocent. Quoniam vero in superioribus tres præcipuas morbo- rum

rum classes, febres maxime & spasmodicos periodicos, neque minus chronicos affectus, qui ex atonia & obstructione colatoriorum proficiscuntur, constituimus; etiam singulas has classes seorsim spectare & quomodo ex sanguinis & humorum impedito motu vel excrementis retentis generentur, hoc loco proponere apud animum, divina ope adjuti, constituimus.

§. II.

In nostra vero meditatione initium merito facimus a febribus, quarum tanta est vis ac frequentia, ut fere omnibus adsistant vel superveniant morbis. Neque ulli morbo si motus, præterquam eas, in turbanda motuum vitalium œconomia tantæ potentiæ deprehenduntur. Harum itaque & generationem & quomodo earum causæ in corporis sensibiles partes agant & symptomata producant, in præsentī exponemus. Ante vero, quam ad effectui demus, non alienum a scopo nostro erit, iterum, neque minus nonnullorum recentiorum, ut *Campanellæ*, *Helmontii*, *Sydenhamii* de febribus sententiam & conceptum, quem sibi formarunt, examinare. Veteres, febrem pugnam naturæ cum morbo, & de hac pugna judicium crisin dixerunt. Ex recentioribus vero laudati viri febrem salutarem naturæ sive Archei motum vel excandescentiam habent, qua corpori insensum & corruptionem minitantem humorem ejicere moliatur. Quidam hanc adjiciunt illustrationem, quod natura, sive principium agens & movens corporis nostri, interna quadam notitia, ratione, intentione & directione instructum sit, quare ex morali aestimatione causæ morbificæ nocentis sanguinis circulum agendo, eum ad certa loca certis temporibus dirigat.

ut celeriter per congrua colatoria excernatur, id quod præsentaneam corpori noxam minuitur. Ex eo colligunt febrem esse absolute & perpetuo in se & sua natura salutarem motum, adversus causam morbi unice directum, adeoque, minime pro effectu morboſo & passivo, sed potius pro activo remedio esse habendum. Id quod maxime exinde confirmatur, quia plures sine remediis & sine medicis ex febribus convalescunt. Quamvis vero hæc febrium theoria speciosa admodum & medendi scopo accommodata videatur, neutiquam tamen iis, qui in eruenda veritate non nominibus, sed rebus non speculationibus, sed demonstrationibus, non metaphysicis, sed physicis causis delectantur, satisfacit.

§. III.

Etenim instar regulæ in veritate indaganda tenendum est, quod in demonstratione nihil loco principii vel primæ causæ ponendum sit, quod non prius tam clare fuerit probatum atque perspectum, ut nullus amplius dubitandi locus sit. Jam vero, quod in fibris motricibus ac membranis corporis nostri Ens ratione vel intentione præditum resideat, quomodo evidentibus & convincentibus argumentis probari possit, equidem non video. Neque minori probatione hoc suppositum indiget, quod anima, quæ certos tantum motus in partibus membranosis occurrentes percipit, & certos etiam tantummodo motus musculorum dirigit, omnes reliquas partium actiones, imperio voluntatis non subjectas & quas naturales vel vitales adpellant, perficiat & omnium actionum in corpore nostro causa sit. Neque per perversam phantasiā aut animi affectus toni partium aut pulsus cordis & arteriarum turbatio momentum

pre

probationis exhaurire videtur: Lubenter enim concedimus, & varias impressiones animæ & cogitationes non secus ac alia externa elementa, alimenta, venena jus & potentiam in motus corporis vitales habere, eos varie adficiendo vel etiam turbando: minime tamen ex eo consequitur, ut, quod alterat & turbat hos motus, unica & vera horum quoque causa sit. Condonandum utique est majoribus nostris, qui corporum essentiam in extensione mere passiva omnis motus & actionis ex parte collocabant, qui ordinatissimæ fabricæ corporis nostri agnitione carebant, & vitalem humorum circuitum & variorum colatoriorum structuram ignorabant, neque minus vera physices, chymix, anatomix ac mechanices notitia, sine qua omnis medica theoria cæca ac trunca est, erant destituti. Jam vero nostris temporibus meliora edocti scimus, omni corpori inesse principium motus, sive essentiam ejus non tam in extensione, quam principio quodam nitente & renitente consistere, & tot esse agentia & principia motus, quot sunt corpora. Novimus porro ex mechanicis & æternis motuum legibus, motum localem nonnisi inæqualem virium motricium mutuam actionem & reactionem esse, adeo, ut demendo vel addendo corpora pro lubitu motus vel sisti vel augeri vel imminui possit. Novimus quoque ex ordinatissima partium structura ordinatissimum & plane mirabilem certa proportionem & tempore fieri motum. Novimus denique solo contractionis & dilatationis fibrarum motu omnes actiones animantium tam in statu, qui secundum, quam qui præter naturam fit, dependere. Tandem vero convertissimum est, calorem & frigus, humiditatem & puritatem

tatem aeris, item copiam & intemperiem alimentorum, animi quoque affectus, nec non medicamenta ac venena ex se & sua natura motus vitales augere & imminuere ac permutare posse. Ad dilucidationem hujus argumenti perquam curiosa anatomica experimenta multum faciunt, quod nempe cordis musculi atque auriculæ in cadavere post thoracem apertum mulieris & canis jam penitus quietæ, solo inflatu aeris in ductum thoracicum suas pulsationes reciprocas systoles & diastoles non adeo brevi tempore repetere & continuare inceperint, quemadmodum ea legere possumus in Excellentissimi *Brunneri Tr. doctissimo de glandulis duodeni*. Quomodo aëris admissione vel subtractione vita animantium pro lubitu intercipi, penitus tolli vel etiam revocari antliæ pneumaticæ beneficio possit, rem inter experimenta physica arbitror esse notissimam. Ecquis etiam est, qui solide negare aufit, vitam nostram, sanitatem, morbos ac mortem a causis mere externis iisque proximis, minime vero remotis aut instrumentalibus dependere.

§. IV.

Neque etiam illud concedere possumus, quod motus febriles & alii morbofi absolute & perpetuo sint salutare, in conservationem corporis tendentes. Equidem motum in corporibus animantium progressivum, & qui in circulum abit, in se & sua natura dicimus salutarem, quia corpus à putredine defendit inutilia excernendo; sicut contra quietem sanguinis in animalibus semper perniciosam, habemus, quia ex hac & morbus & mors proxime suam originem mutuatur. Num verò ille sanguinis & humorum auctus circulus qui semper cum spastica strictura fibrarum corpori
fit

fit, qualis est febrilis, in se & sua natura dici possit salutaris, hoc non facile adfirmaverim, eo, quod hunc motum vehementer & cito salutare corporis succos & vires consumere & ad chronicas ægritudines, si diu durat, corpora disponere, imo facile, viribus exhaustis, ad inflammationes & sphacelationes mortiferas, quæ in dissectis corporibus veluti mortis causæ reperiuntur, transire animadvertimus. Siquidem plures inflammationes lethales, ut ventriculi, intestinorum, meningum denuo febribus superveniunt. Accedit & illud, quod maximopere attendendum est, sub intensa & vehementi febrili sanguinis commotione & circulatione excretiones laudabiles materiæ corpori nostro infestæ per sudorem, urinam aut alvum non facile fieri, sed semper remittente spasmō & placidiori factō sanguinis motu demum perfici, quemadmodum id in declinatione intermittentium & acutarum fieri observamus. Neque tamen inficiamur, ipsum febrilem & concitatum motum sæpius, sed non semper, esse sanguinis copiosi, ejusque stagnationum imo obstructi-
onum magnam medicinam atque remedium, uti perpulchre more suo febrem *Celsus* adpellat. Neque negamus, tenuissimam, vel etiam acerrimæ indolis febris causam, nervosis partibus insistentem, viscosiore sanguine, a nimio calore subtiliores ejus partes consumente, reddito, sæpius corrigi & emendari, sive secundum veterum modum loquendi coqui, ut idonea ad excernendum fiat febris.

§. V.

Supposito itaque partium solidarum & fluidarum corporis nostri in se activo mechanismo, statuimus

causas febrium & morborum non esse secundum *Hel-*
montium mere occasionales, sed potius per se & viri-
 bus suis esse activas, neque aliter ac venena agere in
 partes nerveo membranaceas & fibras motrices, motus
 vitales turbando vel pervertendo. Hoc vero assertum
 neutiquam tam crasse est accipiendum, ac si causæ mor-
 borum solæ, sine concursu motus, jam in corpore vivo
 existentis, præternaturales motiones in corde & fibris
 efficiant, ut potius morbus tam ex actione causæ, quam
 reactione motuum vitalium dependeat. Equidem jam
 ordo tractationis postulare videtur, ut quid moveat cor-
 dis musculos tam in statu sano, quam in febrili expli-
 cemur: at instituti nostri ratio, cum uberiores hujus
 rei discussionem hoc loco prohibeat, paucis duntaxa
 innuimus, liquidum nerveum, (quod nemo negare pot-
 est, si ordinatissimam cerebri & nervorum fabricam
 circumspicimus,) & tenuissimam aereo æthereo elasti-
 cam sanguinis arteriosi portionem, motus vitales, quæ
 systole & diastole continentur, celebrare, siquidem a-
 nimadvertimus dissecto femoris nervo vel arteria liga-
 ta protinus pedem fieri paralyticum salva musculorum
 quæ genuina sunt motus instrumenta, fabrica, quam u-
 tique anima, quæ indivisibilis est, si ab ipsa motus fi-
 rent, posset adhuc facile movere. Quoniam vero ce-
 rebrum & nervi in omnibus animantibus præcipuam
 motus, præsertim systaltici activi, materiā subministrant
 ad diastolen vero maxime sanguis concurrit: hinc quæ
 recte colligimus, in omni præternaturali præsertim
 aucto motu solidarum partium, sicuti fit in febre
 spasmo, genus nervosum principaliter & primario esse
 affectum inque omnibus morbofis motibus pati. N

que aliter causæ morborum nobis agere videntur, quam quod genus nervosum & membranosum extraordinarie & præter naturam lædant atque afficiant. Pro diversitate autem harum causarum actio quoque morbo-
sa in nervosas partes multum differt: vel enim sanguinis & humorum nimia copia, in stasi, & stagnatione sensui & motui vacantes partes nimium distendit, premit aut trahit, vel excrementitia, acris, caustica materia eas nimium vellicat, arrodit, lancinat aut subtilis putrida corrupta materia liquidum, quod nervi vehunt, homogeneous, plane imminuit aut destruit. Quoniam vero plane mirabilis est nervorum ac membranarum inter se consensus, magnaque ejus potentia in sanguinis circulum existit, hinc non mirandum est, a minimo etiam, valde tamen activo morbi principio universum corpus in consensum pertrahi, gravissima symptomata producendo.

§. VI.

Igitur quod attinet primo ad naturam febrium explicandam, nulla mihi videtur febris in corpore subnasci posse, nisi ubi membranæ & partes nerveæ sint spasmo carentæ, ex quo etiam universali fibrarum spasmo omnia febribus supervenire solita symptomata, eorumque ratio rectius deducitur. Quia vero in nulla febre clarius ejus ortus & generatio perspicui potest, quam in intermittente, ubi sub singulis paroxysmis nova subinde febris fit accessio, hinc etiam nulla, præter hanc, clarius febris naturam ac genein declarat. In omni videlicet febre primo oritur partium membranosarum spasmus, qui sanguinis circuitum maxime inæqualem præstat, dum ipsum a partibus exterioribus, veluti a

circumferentia ad interiora ceu ad centrum pellit. Et hoc jam suo tempore magnus medicinæ parens *Hippocrates*, quo nemo solidius & magis mechanice febrium generationem explicuit, annotavit. Qua de re elegantissimus locus extat *Lib. de flatibus §. II.* dum inquit, *cedente a partibus extremis sanguine, viscera & partes contremiscunt. Sunt autem quedam corporis partes sanguine plene, quedam vero exsanguæ, exsanguæ itaq; propter frigus non tremunt, sanguine autem abundantes contremiscunt. Nequit enim fieri, ut sanguinis multitudo conquiescat.* Quibus gravissimus Auctor perquam evidenter indicat sanguinis circuitum in febribus maxime esse inæqualem, dum a partibus exterioribus sanguis ad interiora repellitur. Hæc vero inæqualitas sanguinis circuli nulla alia causa, quam universali quadam spastica fibrarum strictura est derivanda, a qua etiam omnia, quæ febribus jungi solent, symptomata, originem suam trahunt. Incipit hic spasmus maxime in cute, cujus pars exterior ex tenuissimis fibrillis & papillis nerveis, exquisito sensu ac motu præditis, conflata est: hæc ab illustri *Malpighio* corpus reticulare vocatur. Quandounque itaque has teneras nerveas & tendinosas cutis partes spasmus exagitat, integumentum hoc constringitur, vasa comprimuntur, pori ac meatus, qui sudore evehunt, angustantur, unde habitus corporis subsidet, tumescit, venæ disparent atque excretio per sudorem cohibetur, glandulis miliaribus sub cute positis compressis, & partes extremæ frigore & horrore corripuntur propter copiosos nervorum surculos a pari va intercostali cervicali secundo, brachialibus, dorsalibus & inferioribus lumbaribus ad universam cutim exte-

is, qui spastico motu agitati horrorem vel etiam rigorem producant. Solet vero hic spasmus non tantummodo in cute subsistere, sed, si vehementior est, ad partes etiam interiores vagatur & ferme totum membranosum genus in consensum trahit, &, ubi pericranium occupat, gravem cephalalgiam parit: in perioestio contusivum artuum dolorem, qui quartana correptis perquam familiaris est, suscitatur. Cum vero ad plexus mesentericos dispergitur, gravem & pressorium dolorem circa primam lumborum vertebra, ubi horum nervorum sedes est, ingenerat. Quia vero hæc spastica strictura etiam ad ventriculi & intestinorum membranas procedit, hinc anxietas & flatulentæ hypochondriorum & abdominis tensiones fiunt, alvus clauditur, nausea fit, & ad vomendum conatus, præsertim in tertianis, circa mutationem frigoris & horroris est. Et quia agens consensus, propter communionem nervorum, ventriculi est cum renibus, hinc urina, quæ præsentem rigorem & horrorem profunditur, tenuis & clara sine sedimento fertur. Hæc vero spasmi febrilis vehementia sæpius tanta est, ut etiam ad meninges adscendat, quare dantur casus, ubi sub ipso frigore epilepticorum more ingentes membrorum jactationes, agitationes cum maximis præcordiorum anxietatibus & spasticis artuum contorsionibus annotati fuerunt. vid. *Cl. Pezoldi obs. 4. pag. 5.* Ita quoque *Reygerus in obs. 34. pag. 60.* notavit initium tertianæ cum frigore instar convulsionum epilepticarum concutiente & convellente, uti etiam *Ballonius Lib. 1. Epidem. pag. 22.* in tertiana continua parvas manuum contractiones animadvertit.

§. VII.

Sub hisce angustis spasmodicis necesse est, ut sanguinis liber cursus ac iter per venarum tubulos compressos impediatur, unde per arterias regurgitat ad cor, ubi ejus oppressionem cum anxietate, pulsu parvo, debili & frequenti efficit. Accedente vero postea copiosiori liquidi nervei adfluxu, fortior & celerior cordis & arteriarum fit systole, & sic majori nisu & pressione sanguis per vasa longe celerius & citius fertur, inde exurgit calor, qui ex vehementiori attritu partium sanguinis sulphurearum ad fibras & vasa spasma rigidiora reddita, nascitur. Recte enim & omnium primus *Cl. Boerllus Lib. de motu animalium pag. 337.* caloris febrilis augmentum ex circuli sanguinis celeriori motu derivat. Sciendum vero hoc loco est, sub auctiori calore nondum remittere spasmum, sed per totum febris decursum continuare, neque dubium est, quin ipsas etiam arterias, quæ identidem nervosis & musculosis tunicis gaudent, occupet, quare in omni febre pulsus celer, qui ex frequentia dignoscitur, cum quadam duritie conjunctus est, non secus ac in omni affectu spasmodico durum & renitentem pulsum, ut non semper celerem, observemus. At remittente spasma, remittit etiam calor, pulsus redit ad statum naturalem & relaxato demum fibrarum tono larga sudoris fit profusio, urina quoque crassior & saturatior emittitur, & jam facile sedimentum deponit, alvus facilius secedit, quæ sub impetu febris tam fortiter stricta & clausa erat, ut clysterem infusum retineat, qui declinante febre plerumque sua sponte rursus ejicitur.

§. VIII.

Quemadmodum vero in intermittentibus novus
 semper febrilis insultus exacte quatuor temporibus di-
 stinctus stasis temporum periodis recurrit: ita in con-
 tinuis idem spasmus per plures dies licet cum quadam
 emissione, continuat, neque prius definit, nisi sub de-
 linatione, causa morbi penitus subacta & expugnata: &
 sic cutis atque emunctoriorum tonus relaxatur, hinc
 excretiones, quæ morbum solutum denunciant, prom-
 pte fiunt eæque criticæ adpellari solent. Ex hisce jam
 facile efficitur, in continuis causam febris talem obtine-
 re locum & sedem, ubi spasmi continuo genus nervo-
 rum adfligitur, cum in intermittentibus alium plane
 locum & domicilium habeant, ubi non continuo, sed
 per intervalla nervosas membranas laceffunt. Ex hoc
 jam consequitur, ut omne illud, quod universi corpo-
 ris membranas & cutim spastice contrahere valet, feбри-
 tiam inducendæ idoneum sit, quare etiam rectissime
 veteres & inter eos magnus noster *Hippocrates* & *Gale-*
nus nunquam fieri febrem sine rigore, qui spasmi spe-
 cies est, præcedente, existimant; quo de argumento
 egregius extat locus in *Foessi Commentar. in Hipp. S. VII.*
 §. 6. Quomodo ex spasmo febrilis commotio oboria-
 tur, evidens exemplum videmus in terrore, qui ex-
 cite similem motum, ut febrilis est, excitat. Is enim
 a principio fortiter partes extremas constringit, quæ
 rigescunt, horrore concutiuntur, disparentibus vasis
 sublata omni, quæ per habitum corporis fit, excre-
 tione, & tum recurrit sanguis ad interiora, cor ac pul-
 mones, ingentemque ibi facit oppressionem atque anxi-
 tatem, quam postea ingens cordis palpitatio, systole
 auctior

auctior, pulsus citatior, & diffusus per corpus calor, qui finitur largo sudore, insequitur, sique corpus debile paulo vehementior terror adficit, ut membranas cerebri simul graviter infestet, convulsiones non raro epilepticæ conjunguntur. Evenit etiam sæpissime, ut motus hi febriles, non secus ac aliæ febres, sua tempora ac periodos observent. Denique & ipsa vehemens ira ejus est indolis, ut sanguinem celerrime & febrilem in modum, cum pulsu frequenti & duro, commoveat, non quod hic, ut in terrore fit, spasmus prius in partibus externis incipiat, sed quia subito internas membranas occupat.

§. IX.

Igitur cum spasmus nervosi generis maxime sit causa febris præcedens, patet jam clare ratio, quare vulnerationibus nervoso tendinosarum partium tam expedite febris superveniat. Memini ante aliquot annos studio acuti cultri apicem in pedis digitum incidisse, atrox inde mox secutus est dolor, quem febris continua per aliquot dies cum anxietate, vigilia, quin imo cum delirio, excipiebat. Apparet quoque hinc facile ratio, quare gravioribus subinde intestinorum in colicis spasmodica, articulorum in arthritide, uretherum a calculo inhærente, doloribus febriculosæ commotiones quæ cum frigore & horrore incipiunt & calore ac pulsus celeritate continuant & sudore terminantur, in præxi conspiciantur. Et scite *Hippocrates in Coacis prænot.* 73 febres ex doloribus vehementibus diuturnas judicat. Et ob dolorem inguinis & glandularum febrem diuturnam denotat. *v. l. c. §. 73.* Et quid familiarius est quam quod ad dentitionem infantum febres accedant. *v. Hip*

aph. 25. S. III. Neque alia ex causa inflammationibus continuo fere jungitur febris, quam, quia ob sanguinis in vasculis statim ejusque ad vicinas partes copiosiore adfluxum & stagnationem, partes nervosæ fortius premuntur, tenduntur, ut non tantum in parte inflammata calor præternaturalis, sed & in universo corpore producat, eo, quod gravis nervosæ partis tensio totum membranarum genus in consensum pertrahat. Mirabilis enim est conspiratio membranarum & nervorum in universo corpore. Simili quoque ratione abscessibus jungi solet febris. Recte enim *Hippocrates Lib. de flatibus §. 7. ex inflammatione & tensione abscessuum fit febris.* Exemplum hujus rei clarissimum habemus in variolis, quæ, quando suppurari incipiunt, nova gignitur febris & eo gravior ac periculosior, quo cutis, ut in juvenili ætate, est strictior & ingens variolarum copia adest. Puerperis tertio die ordinario febre accedere, res perquam omnibus nota est. Dicitur hæclactaria & ortum habet a succo lacteo copiosius ab utero ad glandularum mammariarum, quæ molliori & delicato sensu gaudent, appulsu. Glandularum, ut parotidum, bubonum abscessus nondum maturi, si aperiuntur, ob dolorem & tensionem febris subinde supervenit. Hujus rei exemplum adducit *Hildanus Cent. V. Obs. 65.* qui ex bubone minus mature aperto febrem, cum vigilia & inquietudine, suscitata notavit. Et in genere glandularum tumoribus febres accedente malas, auctor est *Hippocrates aph. 55. Sect. IV.*

§. X.

Neque vero quid clarius febrium generationem, quam abusus thermarum Carolinarum, demonstrat.

Res enim per quotidianam fere experientiam comper-
tissima est, si quando corpus aut sanguine aut sero re-
pletum, ante sectionem venæ, vel primarum viarum e-
vacuationem, aut ante usum thermarum internum in
balneum, præsertim nimis calidum, incautius procedit,
quod protinus febre continua, interdum etiam intermit-
tente, ad plures dies infestetur. Inest enim Carolinis,
ob copiosam calcariam adstringentem terram, magna
vis cutis fibras constringendi & repellendi, unde etiam
pedum tumores brevi tempore abigit ulceraque exsic-
cat. Quodsi itaque ab intensiori balnei calore sanguis
fortiter incalescit, & salinæ excrementitiæ sordes ex-
halare nequeunt, ob clausa spiracula; sed in cutis va-
sculis remanent: protinus a tensione fibrarum nervea-
rum febrilis motus sulcitur. Unde quoq; in sanguineis
& calidioribus corporibus, a transpiratione prohibita, fe-
bres synochas, ardentes, vel etiam tertianas gigni in
propatulo est.

§. XI.

Ulterius ex tensione sola & vellicatione partium
nervosarum febrem generari posse, perquam curioso
experimento practico annotavimus. Laborabat ante
aliquot annos magni nominis Theologus ex plane sin-
gulari affectu. Is ob pleuritidem male curatam inci-
dit in empyema, lobum dextri lateris totum consumens,
quod interius ruptum ingentem & plane stupendam
puris quantitatem in thoracem effudit, qua per paracen-
thesin evacuata, æger ex orco quasi revocatus fuit. Inter-
ea per plures annos quotidie ingens copia non am-
plius puris, sed boni odoris & dulcis saporis singulis
diebus humor profluxit, qui non sine ratione ex ramo
ductus

ductus thoracici (quales copiosi circa glandulam thymi dispersi, avtopsiatēte, videntur) empyemate aperto & eroso effluere judicatus fuit. Consilium hinc datum fuit a chirurgo, ut ad impediendam forsan putrilaginem; singulis mensibus decoctum, quod ex vino Hispanico constabat, siphone injici curaret, quod etiam factum est. Retulit vero nobis non semel candidus & gravis vir, quod ab injectione hac semper in febrem per unum vel alterum diem durantem inciderit, cujus non alia videtur ratio, quam quod ab ejusmodi decocto tendinosæ & nervosæ diaphragmatis ac plevræ partes, paulo fortius tactæ, febrem induxerint.

§. XII.

Ceterum a spasmodica partium, quæ sensui, tono ac motui serviunt, strictura & quæ in generanda febre fere omne fert punctum, earum quoque recidiva proficiscitur, cui intermittentes maxime obnoxia sunt, præsertim causa morbi non penitus expugnata. Jam vero experientia compertum est, nihil æque ad intermittentium recidivam promovendam facere, quam si quis boreali vento vel aeri frigido & humido, qualis est in locis subterraneis, declivioribus & circa fluvios vel aquas stagnantes, corpus paulo liberius exponat. Quandoquidem frigus in corpus per sensibiles cutis partes irruens, mox consuetum repetit spasmus, qui ex horripilatione, extremorum frigore ac dolore circa umbos cognoscitur, quem postea semper motus & calor febrilis subsequitur. Deinceps paulo validius propinatum catharticum facile recidivam suscitare, res certæ experientiæ est, quod vero ex nulla alia causa fit, quam quod forte purgans spasmos in primis viis mo-

veat, quibus postea aliæ membranaceæ partes similem in motum haud difficulter pertrahuntur. Iracundiæ quoque affectus, sicuti in concitandis febribus continuus & intermittentibus multum valet: ita quoque earum recidivis lubenter velificatur, quia genus membranofum ac fibrosum promte in spasmos conjicit.

§. XIII.

Evenit vero in praxi sæpius, ut causa febris neglecta, præpostere & nimis cito variis artificiis paroxysmi cohibeantur & ita universalis ille, qui ad febrem inducendam necessarius est, spasmus cesset: attamen loco hujus alii vehementiores particulares spasmi succedant & certa loca graviter exagitent; nihil enim frequentius occurrit, quam quod intermittentibus, china chinæ vel aliis adstringentibus male curatis, colica spasmica, affectio cardialgica vel hypochondriaca superveniat. Quare memoratu digna hanc in rem est observatio, quam *Cl. Reygerus in Obs. pag. 89.* scriptis reliquit: *Comitissa febris tertiana duplici notha laborans, totico liberata, loco febris statis horis atrocissimos dolores colicos experta est. Aliis emplastro febris cessavit, sed die paroxysmi tensio ventris, cordis compressio, lancinatio extremorum & faciei discoloratio accessit.*

§. XIV.

Quum itaque febres spastici maxime & nervosorum partium sint morbi; hinc ratio amplius non obscura esse potest, quare omnes ii, qui sensibilibus sunt naturæ, temperamento sanguinei cholericæ, juvenes & qui facile animo commoventur, & fibras teneras, strictas tamen ad spasticas motiones subeundas proclives habent tam facile in omnis generis febres incidant, vel febrile

cor

commotiones (Germ. Aufwallung des Geblüts) experiantur. Certum namque est per experientiam, unum corpus præ altero facilius esse febribus obnoxium. Quare re eximius locus ex *Hippocrate Lib. 2. prædict. §. 20.* adduci meretur: *Alii, inquit, præ vulneris dolore, quod grave nullo modo erat, spiritum quidem duxerunt (id est, bene respirarunt) verum delirarunt & febrientes mortui sunt. Quicunque enim aut corpus febricitans habent aut mentem turbatam, talia patiuntur.* Præterea observamus, quod qui fibras non adeo mobiles, sed densas & resistentes habent, neque adeo sensibilis ratione corporis & animi sunt indolis, ut senes, melancholici, item phlegmatici & duro vitæ genere gaudentes, corpora minus prona in febres obtineant.

§. XV.

Igitur quia in producenda febre omne fere momentum spasmi, iique universales fibrarum sensilium corporis absolvunt: liquido inde dilucescit, ea remedium genera, quæ spasmos sedant atque compescunt, optima esse antifebrilia. Neque hæc adsertio suo caret fundamento, siquidem præter ea, quæ causis febri-um expugnandis dicata sunt, probatæ & expertissimæ virtutis antispasmodica in impetu febrilis commotionis etundendo omnibus aliis palmam præripiunt. In floribus chamomillæ vulgaris substantia datis, eorum extracto, essentia & oleo genuino destillato profecto laucis nota, sed expertissima medicina antifebrilis latet, cuius operatio in nullo alio consistit, quam quod genus nervosum adflictum soletur & spasmodorum vehementiam mitiget atque deliniet. Nitro quoque bene depurato in temperando febrili æstu nihil excellentius est,

est, eo, quod partim ipsam acrimoniam biliosam mitiget, partim etiam nimis tensas fibras relaxet & poros cutis aperiat, quo partes sulphureæ tenues sanguinis, a quibus conclusis æstus maxime oritur, exhalare possint & ob id in omnibus acerbioribus doloribus, febribus & spasmodicis lenem diaphoresin provocat, qua calor nimius mitigatur. Tum singulari febrium insultus mitiganda potentia ipsa theriacalia gaudent, præsertim quando aliquot horas ante accessionem intermittenti vino calido offeruntur, unice vero eorum operatio in virtute sedativa antispasmodica & diaphoretica requiescit.

§. XVI.

Verum enimvero cum magna, imo plane mirabilis cortici chinæ, martialibus & omnibus fere adstringentibus ad cohibendos intermittentium insultus efficacia insit, merito in quæstionem venit, unde ea dependeat? Nos sumus ejus sententiæ: adstringentia quidem in se non spasmos sistere, sed potius roborando & firmando partes fibrosas & membranaceas, quæ post violentas in paroxysmo stricturas ordinarie valde relaxantur, efficere, quo minus materia febrilis tenuissima acris se ipsis rursus insinuet, atque eas ad contractiones spasticas cogat. Mira vero est adstringentium potentia & operatio per universum corpus, unde forte adstringens, dum adhuc in ventriculo moratur, in remotis partibus sanguinis profluvium compescit. Et hæc quoque est ratio, quare clysteres ex cort. chinæ chinicocto adstringentes redditi, secundum *Helvetii* inventionem, febriles accessiones compescant. Similis operandi ratio est emplastrorum, quæ ex roborantibus & adstringentibus parata & manuum pulsibus adplicata

ad paroxysmos sistendos magnam efficaciam exserunt, dum enim genus nervosum roborant, faciunt, ne tam facile in crispaturas spasmodicas a febris causa adigantur. Neque alia videtur esse ratio, quare emplastra vesicatoria ex allio, item ex flammula Jovis, ranunculo, pipere, telis araneorum, araneis, fuligine manuum carpis admota, paroxysmos cohibeant, cum enim tale caustico quo vigent, totum fibrarum genus extra paroxysmum constringunt, non admittunt facile, ut aliena materia eas subeat atque exagitet. Ceterum, ubi gravissima per spasticas contractiones genus nervosum adfligitur, sicuti quandoque fit sub accessione quartanæ, linimenta nervina spirituosa antispasmodica entriculo vel spinali medullæ admota egregium levamen adferre a Practicis non semel observatum est. Notissimus clysteribus, ex herbis nervinis antispasmodicis paratis, cui injecti balsami nostri liquidi, quem vitæ vocant, insigni quantitate ex quartana laborantes mirifice fuisse sublevatos.

§. XVII.

Postquam itaque satis clare & evidenter ostendimus, spasmus partium earum corporis, quæ sensui motui vacant, tam in frigore, quam in calore præquam & principem symptomatum esse causam, & si illis febrem nec fieri nec continuari posse: ordo & ratio rei jam exigit, ut quænam febrilium spasmodorum sit causæ, & quo principio agant, circumspiciamus. Scimus vero, febres non secus ac alios morbos ex duobus maxime generis causa materiali subnasci, altera mole magis materiæ, altera in tenuitate & intensa materiæ qualitate consistit. Ad primum ordinem per-

tinent

tinent sanguinis & humorum in vasis stases atque con-
 gressiones, liberum sanguinis circulum intercipientes,
 unde potissimum dolores, inflammationes & febres fi-
 unt, quemadmodum id præclare Hippocrates Lib. de fla-
 tibus §. 13. exprimit his verbis: *sanguis ipse natura cali-
 dus existens, vi coactus per angustam viam transire celerri-
 me non potest, cum multa impedimento sint obstacula & op-
 pilationes, quapropter etiam pulsus fiunt circa has partes
 affectas. Hoc ergo modo febres fiunt & cum febribus dolo-
 res ac alia quædam egritudines.* Posterioris ordinis
 causæ febriles sunt sordes excrementitiæ, tenuissimæ
 & alienissimæ indolis, ob transpirationem potissimum li-
 beram interclusam in corpore remorantes. Unde non
 sine ratione sapientissima antiquitas febres, præsertim
 acutas, a prohibita transpiratione deduxit, & meretur in
 hujus rei illustrationem egregius locus ex Hippocrate
 adduci, qui Lib. II. de Dieta §. 45. ita scribit: *quicquid
 ab excretionem intus remanet, non solum huic parti laborem
 exhibet, sed etiam ei, quæ humiditatem (id est eam, quæ
 ab excretionem impedita remansit) suscepit: non enim
 commoda est corpori, sed infesta, tanquam enim circuitum
 non habens, sed quiescens calefit, tum ipsa, tum quæ alla-
 buntur & sic febrem fortem inducit. Calefacto enim san-
 guine & attracto celerem circuitum faciunt ea, quæ in cor-
 pore sunt, & tum reliquum corpus a spiritu purgatur, tum
 quod compactum & coalescens attenuatur & simul ex carne
 foras sub cutem extruditur, atque hoc sudor calidus vocatur.
 Hoc autem excreto & sanguis in naturalem statum restitu-
 tur & febris remittit & lassitudo sedatur maxime tertia die.
 Quo præclaro & plane singulari loco gravissimus nos-
 ter auctor clarissime febris causam & rationem ejus
 form*

formalem neque minus scopum sanandi seu causam finalem proponit. Causa videlicet est excrementum cuius retentum, quod quiescens & circuitum non habens, pessimæ naturæ fit ac motus febriles inducit; essentia vero seu ratio formalis consistit in celeri circuitu eorum, quæ in corpore sunt; effectus est, partim ut a tenui excremento sanguis purgetur & compactum, quod emanet, attenuetur. Causa finalis est, ut & subtile & tenue per sudorem extrudatur, & tunc sequitur curatio, febris remittit, lassitudo sedatur.

§. XVIII.

Neque profecto aliter sese res habet in ortu aliam febrium, sive continuæ eæ sint, sive intermittentes, malignæ vel benignæ, exanthematicæ vel minus tales, ubi causæ materiales excremento maxime per sudorem retento vel ad primam regionem descendente continentur. In quam sententiam etiam inclinat *Helmonti-*, uti videre est ex *Lib. de febribus*, item *Lib. de retentis*. Iura enim sunt, quæ tum per esculenta & potulenta, tum per aerem interiora corporis nostri subeunt, & quæ naturam alienissimam ac virulentam plane habent, ut sunt multæ exhalationes & partes salino-susticæ putridæ, corruptæ, quæ partim ex animalibus putrido morbo correptis, partim ex infectis atque ex putridis stagnantibus aquis in aerem feruntur, vel etiam ipso in aere ex variorum effluviommixtione & confermentatione subnascuntur. Hæc, ubi corpus nostrum subeunt & rursus exhalant, nihil occident, quando vero subsistunt & aliis malæ indolis humoribus sese adsociant eosque instar fermenti in similitudinem naturam arripiunt, tunc utique fomes & causa epi-

demicarum maxime, variæ indolis, febrium ac morborum ponitur ac statuminatur. Hæc excrementa vero partim in primis viis & maxime in duodeno & valvulis intestinalibus, partim in vasculis subcutaneis minimis retinentur. In hisce quando firmiorem sedem habent, febres maxime pariunt continuas, in intestinorum vero canali si restagnant, magis periodicas & malignas quoque contagiosas inducunt. Prohibita vero transpiratione generationi intermittientium etiam velificatur. Tunc enim excrementa subcutanea ad primas vias, per succos lymphaticos & biliosos, regurgitant, ubi cruditates, ex vitio diætæ oberrantes & concurrentes, fomitem intermittientium constituunt. Recte enim præcipuam febrium sedem ac domicilium in prima regione *Fernelius* statuit, qui *Tract. de febribus* pag. 16. scribit: *Omni-um febrium sedes & origo in prima est corporis regione, circa præcordia, ventriculum, diaphragma, jecoris cavā, lienem, pancreas. Hæc sunt publica corporis sentina, in qua omnium humorum colluvies confluit cumulatque.* Nam sicut ventriculus & intestina varios diversæ indolis humores, ut bilem, lympham salivalem, mucum à sanguine recipiunt: ita etiam rursus corruptos humores sanguini affundunt, adeo, ut magna consensio sit ventriculi non modo ratione solidarum & nervosarum universi corporis partium, sed & ratione fluidarum & succorum: siquidem depravatis & corruptis humoribus prima in regione hærentibus, universa sanguinis & humorum massa inde luit: sicut etiam contritiatis sanguine & lymphā, mox inde primæ viæ noxam suscipiunt.

§. XIX.

Neque ullum dubium est, quin intermittentes, & quæ per periodos recurrunt, febres, ratione materiae fixam suam sedem maxime in primis viis habeant, ex quibus corruptus & febrilis humor, certo temporis spatio, ad sanguinem rursus in sufficienti quantitate relatus, intra membranas ipsas febriles de novo inchoat, donec motu & calore materia discussa ex cute projiciatur. Videtur autem in quotidianis humor malis esse serosæ & corruptæ salsæ naturæ, in tertianis acribilibiosæ, in quartanis viscidæ & acidæ. Etenim quotidianæ & semitertianæ corporibus serosioribus, vitæ sedentariæ addictis, debilioribus quoque, cachecticis; tertiana magis cholericis & qui alimentis calidis & ære calido vescuntur; quartanæ vero melancholicis, & qui crassum habent sanguinem, multumque acidi in primis viis collectum, familiares esse deprehenduntur.

§. XX.

At vero quæstio hoc loco nascitur, cur intermittentes, præsertim quartanæ, tam diu durent & ad annos sæpius protrahantur, cum tamen, si materia febrilis lateat prima in regione, facilius inde possit exurbari. Sed fatemur hic aperte, Medicos esse ut plurimum in culpa, qui raro has febres pro differentia corporum, atque causarum, temporum, aliarumque circumstantiarum recte tractare norunt, nec satis mature ad febris mineram præscindendam convenientiemetico, purgante vel sale deterfivo aut mercuriali remedio se accingunt. Accedit, quod vacuo die corpus continua transpiratione, quæ tunc temporis valde

suppressa est, teste languido & tardo pulsu, non bene conservant: tum quoq; materia febrili maxima ex parte victa, roborantia, inter quæ utique cortex chinæ primas tenet, plus justo sæpius formidant: Sicut & contra alii cum hoc cortice, nimis cito & præmature atque intempestive exhibendo, magnum errorem committunt & maximum exitium adferunt: at febris, quo diutius adfligit, eo magis corpus & ejus vires consumit, ipsosque humores in excrementa convertit, quæ si non rite expurgantur, semper de novo, facto ad primas vias adfluxu, materiæ febrili ibi hærenti alimentum subministrant. Deinceps a diuturniori febre non parum læsionis viscera experiuntur, siquidem immoderato æstu subtilior sanguinis pars resolvitur, & feculentio derelicta vasculosam & mollem hepatis ac lienis itemque pancreatis substantiã ita obstruit & infarcit, ut postea non modo difficilior eradicetur, sed & visceribus induratis tumefactis (germanice dicunt *Sieber Kuchen* /) gravis & longus morbus febrem excipiat. Tandem, quo diutius febris corpus detinet, eo plus genus nervosum ac membranarum spasticis contractionibus adsuescit, ut vel levissima causa, ut aura boreali aut affectu animi, aut difficilioris coctionis cibo adsumto, febrilis motus revertatur.

§. XXI.

Postremo & illud monendum esse censeo, quod in continuis non minus ac in intermittentibus plerumque materia tenuissimæ molis, sed naturæ validissimæ & alienæ, peccare soleat. Manifestum id est à priori dum à sola prava exhalatione vel morbo inquir-

men

mento five miasmate intus suscepto contagiosæ mali moris febres, ipsa quoque pestilentia, petechiales, item variolæ, morbilli, purpuracæ epidemicæ progenerentur. A posteriori quoque innotescit, dum dictis his in morbis, ubi ad habitum corporis materia tenuis detrusa fuit, mox febris & symptomatum vehementia sese remittit. Quin & in tertiana, in ore & labiis obortis ulculis, accessio semper mitior redditur, & quartanæ, si iis scabies vel alia cutis exulceratio supervenit, protinus vel decrementum sumunt vel plane desinunt, unde berite scribit *Joh. Langius in Epist. XVI. Ego plus centies vidi, cum post aliarum febrium, dum præcipue quartanæ crin obortam, sponte, citra omne medicamentorum subsidium exolescere.*

§. XXII.

Quod vero minimæ molis materia corpus subito in gravem febrilem vel etiam convulsivam commotionem conjicere possit; id præter alia morsus & ictus ira percitorum animantium testantur. Pauxillum enim est, quod fibrillis cutis nervosis sese insinuans gravissima pathemata suscitatur. Atque mirabile est, quod venenum, cujusunque etiam sit generis, intus sæpe innoxie sumatur, sed exterius cuti sauciatae admissum & cum humoribus nostris immediate commixtum, vix emendabilem noxam adferat. Ita de oleo tabaci scribit *Boerhaave Lib. de motu animalium*, quod filum eo inunctum & per cutem trajectum protinus animal interficiat. De succo hellebori albi prodicit *Crato in Epist. Lib. II. pag. 227. si lingua succus degustetur, nulli noxius est, sanguini vero communicatus, exitiosus. Et si quis acu saltim eo succo*

infecta punctim lædatur & exiguum saltem vulnus accipiat, paucis horis post extinguitur. Ita etiam notum est, mercurium vivum intus magna in copia sine noxa sumi posse, at si articuli, partes nervosæ & subcutaneæ, præsertim in scorbuticis, ipso inunguntur, graves læsiones infert. Quotidiana porro experientia confirmat, tennes, acres sordes in scabie, variolis, morbillis, purpura, podagra, arthritide, erysipelate ad cutis habitum delatas & ob varias causas repulsas, graves generis nervosæ læsiones producere: ut sunt acutæ febres, asthmata, inflammationes & spasmi violenti. Ex quibus omnibus recte & non sine insigni ratione argumentamur: subsistentes in cutis vasculis excrementitias sordes & ex mora peiores redditas, gravium febrium & symptomatum causam subministrare, adeo, ut non mirum sit in sanguineis synochas simplices & putridas, in sanis diarias inque biliosis ardentes & causos, in cachecticis pericul plenas semitertianas vel quotidianas continuas, in serioribus catarrhales suscitari, siquidem maxima est omnium nervorum & membranarum corporis cum cortice & integumento cutis valde nerveo & tendinoso consensio atque conspiratio.

§. XXIII.

In variolarum & morbillorum morbo identidem materia valde subtilis, acris, caustica delinquit, quæ solidas & membranosas partes forti strictura & erosione affligens, variorum symptomatum genitrix fit: ita latitudo, dorsi, capitis, artuum & lumborum dolor, abdominis tensio, sicca tussis, calor p. n. nausea, vomitus crebra subinde dejectio, quæ eruptioni ordinario præcedere solent, non alii causæ nisi spasmi debentur. De
niqu

inique sub eruptione quæ contingunt, alvi adstrictio, salivatio, facies tumida, convulsio sæpius epileptica, delirium, hæmorrhagia identidem spasticam constrictionem partium abdominis membranarum & humorum ad caput congestionem significant. Ipsa denique cutis a pustulis erosio atque exulceratio acrimoniam causticam abunde patefacit, neque ignotum est, a variolarum morbo sæpe sæpius phthificas pulmonum exulcerationes, neque minus in artubus gravia & mali moris ulcera, cariem, furunculos, contracturas, arthritides, quandoque insequi. Morbilli quoque ipsis pulmonibus infesti esse solent, unde cum tussi gignuntur, sique minus perite tractantur, perquam facile in asthma convulsivum aut cæcarrhum suffocativum, præsertim in infantibus, transeunt.

§. XXIV.

De ortu horum morborum, qui profecto peculiaris indolis sunt, eo, quod faciem occupent & terree totum humanum genus non intactum relinquant, neque facile, si radicitus curatæ fuerint, revertantur, non una eademque, sed dissidens admodum est auctorum sententia. At vero impuritatem succi nutritii in utero materno hausti & in corporis quadam parte relictæ varioarum: pravitatem vero succi, qui ex lactatione fit, morbillorum materiale causam existere, verisimillimum videtur. Confirmationem huic sententiæ, memorabilis sequens observatio adjicit; Frequentius videlicet annotavimus illos infantes vel paucissimas habere variolas, vel plane ab iis per omnem vitam esse immunes, quorum matres decenti sanguinis missione, primarum viarum evacuatione & convenienti diætâ tempore

re imprægnationis utuntur, vel in quibus sanguis superfluus eo tempore per uteri vaginam, sicuti quandoque accidit, sese exonerat. Deinceps notavimus quoque infantes, quibus per tineam capitis, achores, vel faciei pustulas, auriumque & oculorum defluxiones impuri seriffacta fuit excretio, parcius, vel plane morbillis non laborasse. Hoc vero jam maxime in quæstionem venit, ubi hæc peculiaris impuritas tamdiu sine noxa delituerit. Qui in contextu sanguinis eam latuisse sibi persuadent, mea quidem sententia admodum falluntur, siquidem sanguinis & humorum massa, ob continuam novi succi alibilis accessionem & perpetuam partiū sanguinis dissolutionem & ejectionem, non semper sibi constat, sed continuis mutationibus obnoxia est. Adeo, ut sanguis, qui ante mensem per cor & vasa fluxit, nullo modo jam idem numero, natura, atque temperie in vasis adsit. Posito quoque, quod dissolutione fermentativa aliena materia, sub sanguinis involucro contenta, extricetur, idque etiam in morbo variolarum fiat, tunc utique illud nos premit dubium, quare non eodem motu fermentationis simul quoque morbillorum principium evolvatur, cum experientia constet, rarius hos morbos jungi, sed unum alterum antecedere vel longius demum sequi.

§. XXV.

Igitur in tam perplexis difficultatibus nostra sententia est: horum morborum semina ac fomenta glandularum angustissimis ductibus esse inclusa. Nulla enim corporis pars ad detinendum humorem magis idonea est præterquam glandula, ubi facile ex diuturna mora alienissimam & plane virulentam indolem
con-

contrahit. Res clarissima est in tumoribus glandularum, quæ diutissime & cancri & morbi venerei elementum complectuntur. Deinceps morborum, qui fluxione acris vel exulceratione aut mali moris pustulis corpus nostrum infestant, ut sunt scabiei & herpetis genera, tinea capitis, pustulæ venereæ, chronicæ oculorum lippitudines: apud infantes crusta lactea, plerumque suas radices in glandularum tumoribus firmas agunt, ex quibus secedens acris & corruptus humor perpetuo succos transfluentes vitiat atq; contaminat, quod eo magis accidit, quo celerius humor malignus intra glandularum vasa incarceratus a vinculis suis solvitur. Nobis itaque verisimillimum videtur, quasdam in certis locis glandulas esse tumidas & obstructas, quarum aliæ variolarum, aliæ morbillorum fomitem complectuntur, & quæ successive vere & autumnino ab austrina cattarrhali aeris constitutione, poris cutis occlusis, intestinum partium sanguinis præternaturalem agitationem efficiente, aperiuntur, quo fit, ut humor acris & corruptus, lympham & sanguinem contaminans, ingentes illas turbas, quæ in variolarum morbo conspiciuntur, excitet, donec per glandulas subcutaneas ad summam cutem fuerit protrusus.

§. XXVI.

Ex hac dicta hypothese jam facile ratio deduci poterit, quare, qui semel variolis & morbillis correptus & recte curatus fuerit, etiam iis grassantibus non amplius corripiatur, & quare interdum nonnulli recidivam patientur, si videlicet non omnes simul & semel, sed quædam tantum glandulæ dissolutæ fuerint. Patet quoque porro ratio, quare nonnulli ex infantibus, ante variolarum & morbillorum morbum, nunquam recte valeant, sed variis molestiis & fluxionibus adficiantur, quæ, posteaquam

eaquam hæc mala experti fuerint, penitus cessant, corpore facto & auctiore & robustiore. Deniq; non obscura inde est ratio, cur mercurialia, item sulphura antimonii rite correctæ & inter alia ante invasionem horum morborum usurpata, officium in mitiganda symptomatum malitia præstent exoptatissimum.

§. XXVII.

At vero, sequitur jam paulo curiosiores indaganda, quænam corporis glandulæ potissimum horum morborum fomites contineant. Sed hac in re non majorem certitudinem vel majus lumen obtinere possumus, quam per diligentiorē anatomen & inspectionem corporum hisce morbis extinctorum, siquidem nulla veritas in medicina, nisi per anatomen, quæ unus medicinæ oculus, & per physicam experimentalem, quæ alter est, non neglectis practicis observationibus, haberi potest. Quo lumine destitutus medicus, præsertim in sede & causis morborum dignoscendis, plane cæcus est & nihil certi scit. Optandum vero hic vehementer foret, ut hoc in casu majorem haberemus copiam sectionum post mortem variolis defunctorum. Ego non plures, quam duas tantum accurate consignatas offendi, quarum una extat *Miscell. natur. curios. Dec. II. A. IX. Obs. 280.* ubi facta anatome pueri variolis extincti, in mesenterio plurimæ glandulæ majores & minores, tractui intestinorum confines, lividæ, sed adhuc molles repertæ sunt, in intestinis tenuibus glandularum plexus nonnulli siderati, inprimis autem glandulæ solitariae intestini coli tumentes & nigrae extiterunt. Altera observatio anatomica reperitur in *Barthol. Epist. Cent. III. Epist. 29.* ubi in cadavere Mariæ Auriacæ, Principis Regiæ, ex variolis defunctæ, ventriculus anteriori parte inflammatus, intus aphthis multis & in fundo longiori glandula præternaturali obsecus fuit. Ex quibus

histo-

historiis discimus, glandulas ventriculi & intestinorum
in hisce morbis merito posse accusari, dum a lymphâ
impura & viscida intestinales in foetu facile obstruuntur,
mesentericæ vero a vitioso lacte extrauterum labem &
tumorem patiuntur. Neq; quicquam obstare videtur,
quo minus sedem horum morborum & quidem vario-
rum in intestinalibus, morbillorum vero in mesente-
ri glandulis majoribus constituamus. Nam symptoma-
ta, quæ sub primo morbi fiunt insultu, ut sunt anxietas,
nausæ, vomitiones, tormina, diarrhæa, quæ in in-
ferioribus sæpe per totum morbi decursum adfunt: item
lividationes, aphthæ in statu contingentes, in intestinorū
anali morbi sedem esse sufficienter declarant. Jam et-
iam clarius ratio intelligi potest, quare miasma variolo-
sum aere & ore haustum, cum saliva paulatim ad ventri-
culi sinum descendens, tam facile hoc malum, glandulas
resolvendo & emolliendo, inferat; item cur laxantia
in tempore, quo grassantur variolæ, exhibita in iis pro-
ducendis, id quod sæpius notavimus, singulari facultate
videant. Intelligimus quoq; exinde, quare leniora e-
metica, nec non laxantia cum mercurio dulci, & miti-
gati spiritus minerales acidi, nec non terrea contempe-
rantia mature exhibita & copiam variolarum & sympto-
matum vehementiam admodum imminuant; nisi enim
in prima regione fomes morborum talium subsistat, vi-
detur horum remediorum usus esse supervacaneus. Ni-
hilominus hanc nostram hypothesin ac meditationem
in ulteriorem inquisitionem sollertioribus medicis ac
anatomicis etiam atque etiam commendamus.

§. XXVIII.

Sequitur jam, ut etiam de ratione & generatione pur-
puræ, tam albæ miliaris, quam rubicundæ, sententiam no-
stram dicamus. Primo vero notandum est, quod in chro-
nicam & acutam ea recte distingui debeat, illa periculi
expers

expers, hæc majoris discriminis plena, utraq; autem principio tenuissimo acri, salino caustico, quod velut excrementum retentum intra corpus fuit, debetur. Chronica, quæ per aliquot sæpe menses exercet, cacochymix vel scorbuti maxime soboles; acuta vero, magis putredinis comes est, hac tamen distinctione, ut rubicunda plus ex corrupto sanguine, alba vero & miliaris ex vappida & putrescente acida caustica in glandulis lymphæ proveniat: siquidem a retentis mensibus, vel in puerperis a suppressis varias ob causas v. g. terrorem, refrigerationem, lochiis, frequentius hoc malum infestat. Miliaris vero acuta sæpe sæpius aliis acutis & putridis, inflammatoriis quoq; puerperarum febribus, item morbillis nec non variolis supervenit, ita, ut declinante priori morbo, demum in scenam prodeat novo periculo terrens.

§. XXIX.

Quod vero ad purpuram chronicam attinet, ea, non secus ac scabies contumax, nobis ex glandulis obstructis originem suam trahere videtur: nam sicuti ex diuturna mora humor in vasculis detentus plus malignitatis contrahit; ita lympham semper vitiat & simili charactere imbu- it. Observamus maxime, quod qui dulcibus, cibis farinaceis crebrius utuntur & vitæ sedentariæ indulgent, ad purpuram, tam acutam, quam chronicam maxime sint proclives. Quibus vero in locis aquas habent stagnantes putridas, & ubi aer putridis particulis, præsertim ex aquis stagnantibus est inquinatus, ibi hoc malum est familiarissimum. Deinceps notavimus, quod feminæ, quæ fluore albo crebrius corripuntur, in purpuram etiam facile incidunt, & quod hi affectus multum fororientur & transmutentur, unde præsentē fluore albo rarius visitur purpura, quæ eo vehementius adfligit, quo citius hic fluxus supprimitur, unde restituta hac fluxione protinus purpura cessare solet.